

Cuntrastu

Conta mi dinò
A storia di l'antenati
Di li tempi andati
Di li detti è di li fatti
Conta mi dinò
Ciò chì hè a vera ricchezza
Chì ci ferma à fà
Di a tuntia permessa

Vogliu dà
Tuttu lu mio sapè
Ch'ellu si sparghji
Lindu versu tè
À lu ventu
À lu ventu chì corre
Vogliu dì Mimaj
Tuttu lu mio sapè
Ch'ellu sguilli
À u fundame di tè
À lu fiume
À lu fiume chì bolle

Vogliu dà
Tuttu ciò ch'aghju in mè

Da luntanu s'avvicina
Un altru sapè
D'una andatura vicina
À u nostru gudè
Chì ci pugni in baldenza
Sentimu piacè
Chì si dice Indipendenza
Chì ci teni bè

Chì ci porta

Chì ci porta à vulè

Sì lu ventu è sì l'acqua dinò
Sì memoria d'issa terra per noi
Purtà in tè un avvene sfarente
Sì lu ventu è sì l'acqua dinò
Ricchezza d'imaginà è po'
Tuntia di sclambulà a ghjente

Libari d'esse noi
Libari d'esse noi.